



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎԻՃԱԿԱԳՐՈՒԹՅԱՆ ՊԵՏԱԿԱՆ ԽՈՐՀՈՒՐԴ

Ո Ր Ո Շ ՈՒ Մ


”19” հուլիս 2013 թ.

թիվ 22 -Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ 2013 ԹՎԱԿԱՆԻՆ ԱՆՑԿԱՑՎԵԼԻՔ
ՓՈՐՁԱԿԱՆ ԳՅՈՒՂԱՏՆՏԵՍԱԿԱՆ ՀԱՄԱՏԱՐԱԾ ՀԱՇՎԱՌՄԱՆ ԸՆԹԱՑՔՈՒՄ
ՀՀ ԱԶԳԱՅԻՆ ՎԻՃԱԿԱԳՐԱԿԱՆ ԾԱՌԱՅՈՒԹՅԱՆ ՄԱՐԶԱՅԻՆ
ԳՈՐԾԱԿԱԼՈՒԹՅՈՒՆՆԵՐՈՒՄ ՓՈՐՁԱԿԱՆ ԳՅՈՒՂԱՏՆՏԵՍԱԿԱՆ ՀԱՇՎԱՌՄԱՆ
ԱՇԽԱՏԱՆՔՆԵՐԸ ՀԱՄԱԿԱՐԳՈՂԻ ԳՈՐԾԱՌՈՒՅԹՆԵՐԸ ՀԱՍՏԱՏԵԼՈՒ ՄԱՍԻՆ**

Ղեկավարվելով «Գյուղատնտեսական համատարած հաշվառման» մասին Հայաստանի Հանրապետության օրենքի 4-րդ հոդվածի 5-րդ մասով՝ Հայաստանի Հանրապետության վիճակագրության պետական խորհուրդը որոշում է.

Հաստատել ՀՀ ազգային վիճակագրական ծառայության մարզային գործակալություններում փորձնական գյուղատնտեսական հաշվառման աշխատանքները համակարգողի գործառույթները՝ համաձայն հավելվածի:



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱԶԳԱՅԻՆ ՎԻՃԱԿԱԳՐԱԿԱՆ ԾԱՌԱՅՈՒԹՅՈՒՆ

Հավելված

Հայաստանի Հանրապետության
վիճակագրության պետական խորհրդի
2013 թվականի հուլիսի 19-ի թիվ 22-Ա որոշման

**ՀՀ 2013թ. փորձնական գյուղատնտեսական
համատարած հաշվառում**

**ՀՀ ԱԶԳԱՅԻՆ ՎԻՃԱԿԱԳՐԱԿԱՆ ԾԱՌԱՅՈՒԹՅԱՆ
ՄԱՐԶԱՅԻՆ ԳՈՐԾԱԿԱԼՈՒԹՅՈՒՆՆԵՐՈՒՄ
ՓՈՐՁՆԱԿԱՆ ԳՅՈՒՂԱՏՆՏԵՍԱԿԱՆ
ՀԱՄԱՏԱՐԱԾ ՀԱՇՎԱՌՄԱՆ
ԱՇԽԱՏԱՆՔՆԵՐԸ ՀԱՄԱԿԱՐԳՈՂԻ
Գ Ո Ր Ծ Ա Ռ ՈՒ Յ Թ Ն Ե Ր Ը**

Ն Ե Ր Ա Ծ ՈՒ Թ Յ ՈՒ Ն

«Գյուղատնտեսական համատարած հաշվառման» մասին Հայաստանի
Հանրապետության օրենքի 8-րդ հոդվածով սահմանված է.

Հոդված 8. Պատասխանատվությունը գյուղատնտեսական համատարած հաշվառման մասին օրենսդրությունը խախտելու դեպքում

Տիզիկական և իրավաբանական անձանց վերաբերյալ անհատական
տվյալներին տիրապետող լիազոր մարմնի աշխատակիցներին (այսուհետ՝
աշխատակիցներ) արգելվում է այլ անձի (անձանց) հաղորդել
գյուղատնտեսական համատարած հաշվառման լրացված փաստաթղթերի
բովանդակությունը:

Գյուղատնտեսական համատարած հաշվառման սկզբնական
(անհատական) տվյալների օգտագործման կարգի խախտման, հարցաթերթը ոչ
ամբողջական, սխալ տվյալներով լրացնելու դեպքում գյուղատնտեսական
համատարած հաշվառման աշխատակիցները պատասխանատվություն են
կրում Հայաստանի Հանրապետության օրենքներով սահմանված կարգով:
Գյուղատնտեսական համատարած հաշվառման սկզբնական (անհատական)
նյութերը (այդ թվում՝ տվյալները) դատական, դատաքննչական և այլ
մարմինները որպես ապացույց չեն կարող օգտագործել:

Գյուղատնտեսական համատարած հաշվառման հարցաթերթի հարցերին
պատասխանելուց հրաժարվելը, ոչ ամբողջական, սխալ տվյալներ
ներկայացնելն առաջացնում է պատասխանատվություն՝ Հայաստանի
Հանրապետության օրենքներով սահմանված կարգով:

I. ԸՆԴՀԱՆՈՒՐ ԴՐՈՒՅԹՆԵՐ

1. Հայաստանի Հանրապետության կառավարության ապրիլի 25-ի թիվ
402-Ն որոշման համաձայն՝ Հայաստանի Հանրապետությունում փորձնական
գյուղատնտեսական համատարած հաշվառումը կանցկացվի **2013 թվականի
նոյեմբերի 10-30-ը** ներառյալ:

«Գյուղատնտեսական համատարած հաշվառման» Հայաստանի
Հանրապետության օրենքի 4-րդ հոդվածի համաձայն՝ գյուղատնտեսական
համատարած հաշվառման նախապատրաստման, անցկացման և նյութերի
մշակման աշխատանքների պատասխանատուն **վիճակագրության պետական
լիազորված մարմինն է**, «Պետական վիճակագրության մասին» Հայաստանի

Հանրապետության օրենքի 6-րդ հոդվածի համաձայն՝ պետական վիճակագրությունն իրականացվում է պետական վիճակագրություն իրականացնող մարմնի՝ Ազգային վիճակագրական ծառայության (այսուհետ՝ ՀՀ ԱՎԾ) և նրա տարածքային ու գործառնական ստորաբաժանումների կողմից:

2. ՀՀ 2013թ. փորձնական գյուղատնտեսական համատարած հաշվառման նախապատրաստման և անցկացման աշխատանքները ՀՀ մարզերում և դրանց տարածաշրջաններում Հայաստանի Հանրապետության 2013թ. փորձնական գյուղատնտեսական համատարած հաշվառման նախապատրաստման, անցկացման, նյութերի մեքենայական մշակման և հրապարակման միջոցառումների ծրագրով սահմանված ժամկետներում իրականացնելու համար ՀՀ ԱՎԾ Արարատի, Կոտայքի և Տավուշի մարզային գործակալություններում պայմանագրային կարգով աշխատանքի կրնդունվեն ՀՀ ԱՎԾ մարզային/տարածքային գործակալություններում/ստորաբաժանումներում փորձնական գյուղատնտեսական համատարած հաշվառման աշխատանքները համակարգողներ (այսուհետ՝ համակարգողներ):

3. Համակարգողներին աշխատանքի ընդունումը կսկսվի համաձայն ՀՀ 2013թ. փորձնական գյուղատնտեսական համատարած հաշվառման նախապատրաստման, անցկացման, նյութերի մեքենայական մշակման և հրապարակման միջոցառումների ծրագրով սահմանված ժամկետների:

4. Իրենց աշխատանքային գործունեության ընթացքում համակարգողներն առաջնորդվում են «Գյուղատնտեսական համատարած հաշվառման մասին» ՀՀ օրենքով, ՀՀ կառավարության համապատասխան որոշումներով, ՀՀ վիճակագրության պետական խորհրդի կողմից հաստատված ցուցումներով ու հրահանգներով և ՀՀ ԱՎԾ նախագահի հրամաններով:

5. Համակարգողը ՀՀ ԱՎԾ մարզային գործակալության և դրանց տարածքային ստորաբաժանումների պատասխանատու անձի անմիջական ղեկավարության ներքո պատասխանատվություն է կրում՝

5.1. փորձնական գյուղատնտեսական համատարած հաշվառման (այսուհետ՝ փորձնական ԳՀՀ) նախապատրաստման, անցկացման, նյութերի մեքենայական մշակման և հրապարակման աշխատանքների

միջոցառումների պլանով սահմանված ժամկետներում՝ փորձնական գյուղատնտեսական հաշվառման նախապատրաստական աշխատանքների ժամանակին և որակով կազմակերպման ու իրականացման,

5.2. բնակչության և գործարարության շրջանում զանգվածային-բացատրական աշխատանքների կազմակերպման,

5.3. գյուղատնտեսական հաշվառման ամբողջականության և մարզում (տարածաշրջանում) փորձնական ԳՀՀ բոլոր փաստաթղթերի լրացման որակի ու ճշգրտության ապահովման համար:

6. Իր գործունեության ընթացքում համակարգողը **պետք է ղեկավարվի** Հայաստանի Հանրապետությունում 2013թ. փորձնական գյուղատնտեսական համատարած հաշվառման կազմակերպչական յուրաքանչյուր գործընթացը կանոնակարգող համապատասխան **ցուցումներով ու հրահանգներով:**

7. Փորձնական ԳՀՀ անցկացման ժամանակահատվածում համակարգողների կողմից իրականացվող աշխատանքները բաժանվում է 3 փուլերի՝ **նախապատրաստական աշխատանքներ, փորձնական գյուղատնտեսական հաշվառման անցկացում և հաշվառման նյութերի ընդունում:**

ՓՈԻԼ I - Նախապատրաստական աշխատանքներ

8. Փորձնական ԳՀՀ **նախապատրաստական աշխատանքների** առաջին շրջափուլը հանդիսանում է Հայաստանի Հանրապետության Արարատի մարզի Շահումյան, Ագատավան և Նոր Խարբերդ, Կոտայքի մարզի Նոր Գեղի, Տավուշի մարզի Գանձաքար ու Այգեհովիտ գյուղական և Բերդ քաղաքային համայնքների տնտեսությունների **ցուցակների կազմումը:**

9. Այդ գործընթացը կազմակերպելու և վերահսկելու համար ՀՀ ԱՎԾ մարզային (տարածաշրջանային) գործակալություններում գյուղատնտեսական համատարած հաշվառման աշխատանքները համակարգողներն **անցնում են** ուսուցում (հրահանգավորում) և **ղեկավարվում՝** համաձայն ՀՀ ԱՎԾ մարզային գործակալությունների՝ տների (շինությունների) ցուցակները և գյուղական համայնքների ցուցակները կազմելու և ընդունելու կարգի մասին **ցուցումներով և հրահանգներով:**

Համակարգողները պարտավոր են մասնակցել՝

- 9.1. տվյալ մարզի համայնքների սխեմատիկ հատակագծերի վրա տարածքը ցուցակագրման տեղամասերի բաժանելու գործընթացին,
- 9.2. ցուցակագրողների հավաքագրման, ուսուցման (հրահանգավորման) և նրանց իրենց ցուցակագրման տեղամասի սահմաններին ծանոթացնելու աշխատանքներին,
- 9.3. գյուղական համայնքների ղեկավարների աշխատակազմերի քարտուղարների կողմից տնտեսությունների ցուցակների կազմման աշխատանքներին,
- 9.4. ցուցակագրողների աշխատանքների ամենօրյա ընտրանքային ստուգումներին,
- 9.5. ցուցակագրողների և գյուղական համայնքի ղեկավարների աշխատակազմի քարտուղարների կողմից սահմանված ժամկետում համայնքների կազմված ցուցակների ընդունման գործընթացի կազմակերպմանը՝ համաձայն «ՀՀ ԱՎԾ մարզային գործակալությունների տնտեսությունների ցուցակների կազմման և ընդունման կարգի մասին ցուցումի»,
- 9.6. սխեմատիկ հատակագծերի բոլոր օրինակների վրա ցուցակագրողների կողմից հայտնաբերված և սխեմատիկ հատակագծերում կատարված փոփոխությունների անցկացման աշխատանքներին:

Հաջորդ շրջափուլով մասնակցում են՝

10. ՀՀ ԱՎԾ կողմից մարզի գյուղատնտեսական հաշվառման կազմակերպական պլանը կազմելու աշխատանքների համար կազմակերպվող ուսուցմանը (հրահանգավորմանը):

11. Կազմում են մարզի, տարածաշրջանների ՀՀ 2013թ փորձնական գյուղատնտեսական համատարած հաշվառման անցկացման կազմակերպական պլանները/նախագծերը՝ հիմք ընդունելով «Հայաստանի Հանրապետության 2013 թվականի փորձնական գյուղատնտեսական հաշվառում անցկացնելու կազմակերպական պլանների կազմելու կարգը»:

Կազմակերպական պլանը ներառում է հետևյալ բաժինները՝

- 1) գյուղատնտեսական հաշվառման շրջանացումը (տարածքի սահմանագատումը հաշվային, հրահանգչական և հաշվառման տեղամասերի),
- 2) գյուղատնտեսական հաշվառման կադրերի պահանջարկը,
- 3) գյուղատնտեսական հաշվառման կադրերի հրահանգավորման/ ուսուցման և նրանց պատրաստվածությունը ստուգելու ծրագիրը,
- 4) բնակչության շրջանում զանգվածային-բացատրական աշխատանքների կազմակերպման ծրագիրը:

ՓՈՒԼ II- Գյուղատնտեսական համատարած հաշվառման անցկացում (տվյալների հավաքագրում)

12. Ըստ ՀՀ 2013թ. փորձնական գյուղատնտեսական հաշվառման նախապատրաստման, անցկացման, նյութերի մեքենայական մշակման և հրապարակման աշխատանքների միջոցառումների ծրագրով սահմանված ժամկետների կանցկացվի ՀՀ ԱՎԾ մարզային գործակալությունների տարածքային պատասխանատուների, համակարգողների հրահանգավորման գործընթացը՝ ՀՀ 2013թ. փորձնական գյուղատնտեսական հաշվառման անցկացման և հաշվառման հարցաթերթերի լրացման կարգի մասին: Կազմվանով հաստատված ժամկետներում կկազմակերպվի հրահանգիչ-հսկիչների և հաշվարարների հավաքագրումը, ուսուցումն ու գիտելիքների ստուգումը:

13. ՀՀ ԱՎԾ մարզային գործակալություններում **գյուղատնտեսական համատարած հաշվառման աշխատանքները համակարգողը** պարտավոր է վերահսկել հետևյալ գործընթացները՝

- 1) հաշվառման տեղամասերին գյուղատնտեսական հաշվառումն անցկացնելու համար անհրաժեշտ փաստաթղթերով ապահովումը,
- 2) հաշվարարների կողմից նախնական շրջագայության դուրս գալը,
- 3) գյուղատնտեսական հաշվառման անցկացումը (տվյալների հավաքագրում):

14. Գյուղատնտեսական հաշվառման առաջին օրը նա **պարտավոր է շրջել** մարզի (տարածաշրջանի) հաշվառման տեղամասերում, օրվա վերջում հաշվառման տեղամասերի վարիչների հետ կազմակերպել հավաք ու վերլուծել գյուղատնտեսական հաշվառման առաջին օրվա ընթացքում

կազմակերպչական աշխատանքների և գյուղատնտեսական հաշվառման փաստաթղթերի լրացման ժամանակ առաջացած դժվարությունները: Գյուղատնտեսական հաշվառման անցկացման յուրաքանչյուր օր հաշվառման տեղամասերի վարիչներից ընդունել սահմանված համապատասխան ձևաթղթերով շտապ հաղորդագրություններ՝ իրենց տեղամասի նախապատրաստական աշխատանքների, գյուղատնտեսական հաշվառման վերահսկիչ շրջագայության անցկացման և պահանջվող այլ աշխատանքների ընթացքի մասին:

15. Գյուղատնտեսական հաշվառման ավարտից հետո՝ **դեկտեմբերի 1-4-ը**, համակարգողը պարտավոր է վերահսկել ընտրանքային վերահսկիչ շրջագայության (շրջայց) կատարման ընթացքը:

ՓՈՒԼ III- Գյուղատնտեսական համատարած հաշվառման նյութերի ընդունումը

16. ՀՀ ԱՎԾ աշխատակազմի մարզային գործակալություններից գյուղատնտեսական հաշվառման նյութերի ընդունումը կատարվում է **2 փուլով**: Համակարգողը պարտավոր է մասնակցել այդ գործընթացի համակարգման երկու փուլերին:

Նյութերի ընդունման առաջին շրջափուլում՝ գյուղատնտեսական հաշվառման ավարտից հետո, համակարգողը ՀՀ ԱՎԾ մարզային գործակալության տարածքային պատասխանատուի հետ միասին գյուղատնտեսական հաշվառման տեղամասերի վարիչներից ընդունում է՝

1) հաշվարարների հանձնած պայուսակները՝ լրացված հարցաթերթերով, հուշատետրով, ամփոփ տեղեկագրով և տեղամասի հատակագծով,

2) հրահանգիչ-հսկիչների ամփոփ տեղեկագրերը, հուշատետրերը, հաշվետվությունները,

3) հաշվառման տեղամասի վարիչի և նրա օգնականի հուշատետրերը՝ գյուղատնտեսական համատարած հաշվառման կազմակերպման և անցկացման վերաբերյալ իրենց դիտողություններով և առաջարկություններով,

4) հաշվառման տեղամասերի ամփոփ տեղեկագրերը,

5) բոլոր օժանդակ նյութերը՝ սխեմատիկ հատակագծեր, համայնքների տնտեսությունների ցուցակներ, գյուղատնտեսական հաշվառման չօգտագործված և վնասված հարցաթերթեր և գյուղատնտեսական համատարած հաշվառման այլ փաստաթղթեր:

17. Գյուղատնտեսական հաշվառման նյութերի ընդունման գործընթացի **հաջորդ շրջափուլով** ՀՀ ԱՎԾ գյուղատնտեսական համատարած հաշվառման վարչության կողմից ստեղծված հանձնաժողովները մարզային գործակալություններում կատարում են տվյալ մարզի ՀՀ 2013թ. փորձնական գյուղատնտեսական հաշվառման նյութերի որակական ստուգումներ, որպեսզի տեղում վերացվեն առկա բոլոր թերությունները:

Գործընթացը ներառում է.

- 1) հաշվարարների պայուսակներում համապատասխան փաստաթղթերի դասավորվածության ստուգում,
- 2) հարցաթերթերի և ուղեկցող թերթերի լրացման ճշգրտության ստուգում,
- 3) ամփոփ տեղեկագրերի և հաշվարարների հուշատետրերի համապատասխան տվյալների համապատասխանության ստուգում՝ դրանցում հանրագումարների ճշգրտության ստուգում,
- 4) հաշվետվական ձևերի լրացման ընտրանքային ստուգումներ:

18. Տվյալ տարածքի գյուղական համայնքների ղեկավարների և գյուղատնտեսությամբ զբաղվող առևտրային կազմակերպությունների կողմից լրացված ԳՀՀ համապատասխան հարցաթերթերը ստուգում և հանձնում է ՀՀ ԱՎԾ մարզային գործակալության տարածքային բաժնի պատասխանատու անձին՝ վերջինիս հետ համաձայնեցված ժամակետում:

19. Համակարգողն իր աշխատանքն ավարտում է ՀՀ ԱՎԾ-ի կողմից սահմանված ժամկետում վերոհիշյալ նյութերի ՀՀ ԱՎԾ գյուղատնտեսական համատարած հաշվառման վարչություն հանձնման գործընթացով՝ համաձայն «ՀՀ 2013թ. փորձնական գյուղատնտեսական հաշվառման նյութերի ընդունման կարգի մասին ցուցումների»:

ሪፖብሊካኒዲያን